

# Fundargerð



MÝVATN

## Sveitarstjórn Skútustaðahrepps.

### 37. fundur.

að Hlíðavegi 6, 8. maí 2008, kl. 13:30.

#### DAGSKRÁ:

1. Fundarsetning.
2. Fundargerð Bygginganefndar frá 10. apríl.
3. Fundargerð Skólanefndar frá 17. apríl.
4. Fulltrúi á aðalfund Dvalarheimilis aldraðra 30. maí.
5. Fulltrúi á aðalfund Atvinnuþróunarfélagsins 21. maí.
6. Uppsögn.
7. Erindi frá Margréti Bóasdóttur v/Kórastefnu við Mývatn.
8. Erindi frá Sýslumanni vegna Hlíðar ferðaþjónustu.
9. Samningur um Skjólbrekku.
10. Erindi frá Landgræðslunni v/Prengslaborgagirðingar.
11. Erindi frá Félags- og tryggingamálanefnd þar sem óskað er umsagnar á tillögu til þingsályktunar um framkvæmdaáætlun í barnaverndarmálum.
12. Tillaga frá stjórn Sorpsamlags Þingeyinga um aukið hlutafé.
13. Erindi frá Gunnari Þór Gunnarssyni, ósk um tengingu við hitaveitu.

#### Til kynningar:

Fundargerð stjórnar Eypings frá 28. mars.

Fundargerð stjórnar Sambands ísl. Sveitarfélaga frá 25. apríl.

Afrit af bréfi Landgræðslunnar til Landeigenda Reykjahlíðar dags. 21. apríl.

Mættir: Margrét Hólm Valsdóttir, Ingunn Guðbjörnsdóttir, Kristján Stefánsson, Dagbjört Bjarnadóttir, Böðvar Pétusson.

**1. Fundarsetning.**

Oddviti setti fund og óskaði eftir að máli 13. yrði bætt á dagskránnu. Samþykkt samhljóða.

**2. Fundargerð Bygginganefndar frá 10. apríl.**

Liður 3, þar sem óskað er eftir byggingarleyfi fyrir einbýlishús á lóð 1 í landi Geiteyjarstrandar 2, liður 4, þar sem óskað er eftir leyfi til breytinga á reykhusi að Skútustöðum, liður 5, þar sem óskað er eftir stöðuleyfi fyrir gám við skálann Dreka, liður 6, þar sem óskað er eftir byggingarleyfir fyrir fjarskiptahús á Vaðöldu, liður 7, þar sem óskað er eftir byggingarleyfi fyrir viðbyggingu við veitingaaðstöðu Vogafjóss ásamt fl. breytingum, eiga við um Skútustaðahrepp.

Sveitarstjórn gerir ekki athugasemdir við afgreiðslu Bygginganefndar.

**3. Fundargerð Skólanefndar frá 17. apríl.**

Í öðrum lið fundargerðarinnar kemur fram að skólastjóri hafi kynnt tillögu að kennslustundamagni og skólaakstri fyrir skólaárið 2008-2009. Lagt er til að kennslustundamagn verði 232 tímar á viku, sem er það sama og á yfirstandi skólaári. Auk þess er óskað eftir að ráða 2 stuðningsfulltrúa í 140% starf. Jafnframt kynnti skólastjóri skólalóðarfrágang fyrir komandi skólaár.

Sveitarstjórn samþykkti annan lið fundargerðarinnar með tölvupósti 28. apríl.

Í þriðja lið fundargerðarinnar er rædd tillaga að breytingum á starfsmannaaðstöðu í leikskólanum sem unnin er af Eyrúnu Björnsdóttur.

Fram kom hjá leikskólastjóra að starfsfólk leikskólans væri ákaflega ánægt með framkomna tillögu sem felur í sér að útbúið verði lítið herbergi í vesturstofu. Beinir Skólanefnd þeim tilmælum til sveitarstjórnar að ráðist verði í þessar framkvæmir í sumar. Í fjórða lið fundargerðarinnar, önnur mál er rædd aðkoman að skólanum sem sé bæði hættuleg og óviðunandi og vill Skólanefnd hvetja sveitarstjórn til að kára endanlegan frágang skólalóðar og aðkomu að skólanum skv. tillögu B á teikningu sem unnin var árið 1996.

Sveitarstjórn samþykkir þriðja lið fundargerðarinnar. Vegna bókunar Skólanefndar í fjórða lið fundargerðarinnar vill sveitarstjórn taka fram að tillaga sú sem vitnað er í er barn síns tíma og ekki raunhæft að nýta hana þar sem aðstæður hafi breyst. Sveitarstjórn minnir á að við gerð fjárhagsáætlunar fyrir árið 2008 voru áætlaðar kr. 5. millj. til lagfæringa á skólalóð.

**4. Fulltrúi á aðalfund Dvalarheimilis aldraðra 30. maí.**

Fulltrúi Skútustaðahrepps verður Dagbjört Bjarnadóttir.

**5. Fulltrúi á aðalfund Atvinnuþróunarfélagsins 21. maí.**

Fulltrúi Skútustaðahrepps verður Margrét Hólm Valsdóttir.

**6. Uppsögn.**

Borist hefur bréf frá Unni Sigurðardóttur þar sem hún segir starfi sínu við leikslólann Yl lausu frá og með 1. ágúst n.k.

**7. Erindi frá Margréti Bóasdóttur v/Kórastefnu við Mývatn.**

Borist hefur bréf dags. 25. apríl frá Margréti Bóasdóttur. Þar er óskað eftir stuðningi sveitarfélagsins við verkefnið Kórastefna við Mývatn, eins og verið hefur undanfarin ár. Kórastefnan verður haldin 5-8 júní og þátttakendur að þessu sinni verða um 470 manns og hafa þeir aldrei verið fleiri. Í ár hafi Kórastefnu verið boðinn samstarfssamningur við Menntamálaráðuneytið til þriggja ára eða til ársins 2010. Einnig er með bréfinu óskað eftir sama stuðningi sveitarfélagsins við verkefnið til næstu þriggja ára, eða jafn lengi og verkefnið nýtur stuðnings Tónlistarsjóðs. Sveitarstjórn samþykkir að verða við erindinu.

**8. Erindi frá Sýslumanni vegna Hlíðar ferðaþjónustu.**

Borist hefur bréf frá Sýslumanni dags. 29. apríl þar sem óskað er umsagnar sveitarstjórnar á leyfi til handa Gísla Sverrissyni f.h. Hlíðar ferðaþjónustu til reksturs gistingar í gistiskála 14 herbergi, tveimur sumarhúsum, fimm smáhúsum auk tjaldsvæðis á athafnasvæði fyrirtækisins. Sveitarstjórn er kunnugt um að s.l. haust gerði umsagnaraðili fyrir veitingu rekstrarleyfis, alvarlegar athugasemdir við ástand hluta þeirra bygginga sem eru á athafnasvæði Hlíðar ferðaþjónustu. Hafi Hlíð ferðaþjónusta brugðist við þeim athugasemdum með viðeigandi hætti gerir sveitarstjórn ekki athugasemdir við að leyfið verði veitt.

**9. Samningur um Skjólbrekku.**

Fyrir fundinum liggur samningur milli Skútustaðahrepps og Mývatns ehf. Um rekstur og vörslu Skjólbrekku til 31. des. 2011. Samningurinn samþykktur með þremur atkvæðum, einn sat hjá. Margrét tók ekki þátt í afgreiðslu málsins. Sveitastjóra falið að undirrita samninginn.

**10. Erindi frá Landgræðslunni v/Þrengslaborgagirðingar.**

Með bréfi dags. 29. apríl kynnir Landgræðslan áform um að girða úr enda svokallaðrar Garðsgirðingar, sem er á merkjum Garðs og Grænavatns, um Þrengslaborgir í enda Seljahjallagils. Landgræðslan óskar formlegs samþykkis allra hlutaðeigandi landeigenda aðliggjandi jarða fyrir legu girðingarinnar, eins og hún er sýnd á meðfylgjandi loftmynd. Áður átti þessi girðing að fara í Stóra-Hnjúk en vörslugildi girðingar með þeirri legu er mjög takmarkað. Girðingunni er ætlað að halda fé frá uppgræðslusvæðum á Grænavatni vestan Bláfjalls að Sellandafjallsgríðingu. Í landbótaáætlun fyrir Grænavatnsjarðir, var gert ráð fyrir girðingu um Grænavatnsbruna í Sellandafjall. Lokið var við uppsetningu á þeirri gríðingu sumarði 2007. Til að hægt verði að ná fram friðun uppgræðslulandsins er ofangreind girðing nauðsynleg. Landgræðslan mun að öllu leiti kosta uppsetningu og viðhald girðingarinnar. Í bréfinu kemur fram að óskað er eftir samningi við hlutaðeigandi landeigendur til 15 ára telji Landgræðslan þess þörf, eftir þann tíma er hægt að krefjast þess að girðingin verði fjarlægð að hluta eða öllu leyti með árs fyrirvara. Sveitarstjórn gerir ekki fyrir sitt leyti athugasemdir við fyrirhugaða framkvæmd.

**11. Erindi frá Félags- og tryggingamálanefnd þar sem óskað er umsagnar á tillögu til þingsályktunar um framkvæmdaáætlun í barnaverndarmálum.**

Með bréfi dags. 22. apríl óskar Félags- og tryggingamálanefnd Alþingis umsagnar sveitarstjórnar á hjálagðri tillögu til þingsályktunar um framkvæmdaáætlun í barnaverndarmálum til ársins 2010. Sveitarstjórn gerir ekki athugasemdir við tillöguna.

**12. Tillaga frá stjórn Sorpsamlags Þingeyinga um aukið hlutafé.**

Fyrir fundinum liggur tillaga frá stjórn Sorpsamlags Þingeyinga um að hlutafé félagsins verði aukið úr kr. 500. þús í kr. 50. millj. Eða um kr. 49.5 millj. Að nafnverði. Hlutur Skútustaðahrepps í aukningunni er kr. 5.465.731,- Ástæða hlutafjáraukningarinnar er viðvarandi hallarekstur félagsins. Sveitarstjórn samþykkir tillöguna.

**13. Erindi frá Gunnari Þór Gunnarssyni, ósk um tengingu við hitaveitu.**

Með bréfi dags. 5. Maí, óskar Gunnar Þór Gunnarsson eftir tengingu við hitaveitu Skútustaðahrepps vegna fyrirhugaðrar byggingar einbýlishúss á lóð 1 við Geiteyjarströnd 2.

Sveitarstjórn samþykkir að verða við erindinu.

Fleira ekki gert.  
Fundu slitið.  
Margrét Hólm Valsdóttir,  
Ingunn Guðbjörnsdóttir,  
Kristján Stefánsson,  
Dagbjört Bjarnadóttir,  
Böðvar Pétusson.